

IMANOL ETXEBERRIAK EZ ZUEN PARTE HARTU ATZOKO SAIOAN, GAU TXARRA IGARO ZUELAKO

Alkiza: «Ez nago ondo»

Luis Fernandezek azken ordura arte itxaron beharko du Bittor Alkiza zelairatzerik izango duen jakiteko. Donostiarrak ahul zegoen atzo, eta baliteke ez egotea derbia jokatzeko moduan. Imanol Etxeberria ez zen entrenatu, gau txarra igaro zuelako.

Ramon Basaldua / Bilbo

BITTOR ALKIZAK gau txarra igaro zuen atzo, eta azken ordura arte ez da jakingo Realaren aurka jokatzeko moduan izango den. Donostiarrak sekulako baloikada jaso zuen Sampdoriaren aurkako partiduan. Adierazgarria da oso partiduko hogei minutu baino ez dituela gogoratzen. «Hobeto nago. Ez dut buruko minik, baina nekatu samar nago. Ez nago ondo», adierazi zion atzo Alkizak EGUNKARIARI.

Donostiarrak gogo handia du Realaren aurka jokatzeko. Hala ere, argi eta garbi esan du ondo badago baino ez duela jokatu. «Gaur bezala banago ezingo dut jokatu. Une honetan ez nago partidua jokatzeko moduan», zehaztu zuen. Alkizak ez dio sekula irabazi Realari Athleticen dagoenetik. «Larunbatean irabazten badiogu, ondo. Horrela ez bada, itxaron egin beharko dut. Ez diet garrantzi handiegirik ematen gauza horiei. Hiru puntu daude jokoan, eta partidu berezia izan arren, hiru puntu hiru puntura dira».

Betiko Real espero du Alkizak San Mamesen. Erreferentzia gutxi dituela aitortu arren, aurtengo Real balaia ukitzen saiatzen dela dio donostiarrak. Haren esanetan, derbi baten aurretik gertatutakoak ez du garrantzirik. «Honelako partidu baten aurrean ez du garrantzirik zer egin duen talde bakoitzak aurreko norgehiagoketan. Zaila da partidu hauek jokatzeko. Athletici dagokionez, ez dut uste nabarituko dugunik asteartean jokatu izana. Real gu baino freskoago dago, baina ez dut uste zelai gainean nabarituko denik».

Imanol Etxeberriak ez zuen



Bittor Alkiza, herenegun Sampdoriaren kontra jokatuako partiduan.

TXEMA FERNANDEZ

Bittor Alkiza: «Honelako partidu baten aurrean ez du garrantzirik zer egin duen talde bakoitzak aurreko norgehiagoketan»

parte hartu atzo zuri-gorriek Lezaman egin zuten entrenamendu saioan. Arrasateko atezaina ahul zegoen atzo gau txarra igaro ondoren. Ikusi egin beharko da nola dagoen gaur, baina ez dirudi jokatzeko arazorik izango denik.

Guerreroen lehen korrikaldia • Julen Guerrerok korrika saio laburra egin zuen atzo Lezaman. Portugaletako erdilaria meniskoa apurtu zitzaion liga txapelketako lehenengo partiduan, eta

ebakuntza egin ziotenetik atzo atera zen lehenengo aldiz korrika egitera. Guerreroren errehabilitazioa bide onetik doa, eta jokatzeko prest egongo da hilabete barru.

Ismael Urzaiz ebakuntza egin zioten atzo Bartzelonako Claros klinikan sudurrean dituen arazak konpontzeko. Tabikea zuzen jartzeaz gain arnasa hartzeko zuloak handitu zituzten. Nafarrak hilabete inguru beharko du berriro jokatzeko. Ez da ahaztu behar aurreko partidu

ugar galdutako zutela aurreko denboraldian arnasa hartzeko arazoak zirela eta.

Aitor Larrazabal da Josu Urrutiarekin batera Realaren aurkako derbi gehien jokatu dituzten Athleticen jokalariek. Loiu atzelariaren ustez, aurtengo derbia aspaldiko ikusgarriena izango da. «Realak futbol ona egiten du, eta fisikoki ere ondo ikusi dut. Etxetik kanpo partidu zailak izan ditu Barcelona eta Real Madriden aurka. Valladoliden aurka, berriz, partidu polita egin zuten. Derbiak ez dira ikusgarriak izaten, borroka handia izaten da-eta. Aurtengo, berriz, aspaldiko derbi ikusgarria izan daiteke», adierazi zuen atzo Aitor Larrazabalek.

Sarrera gutxi salgai gaur San Mamesen

Derbirako sarrera bat lortzea beti da zaila. Ba aurreten are zailagoa izango da, Athleticen bazkide eta abonatuak ez dutelako sarrerarik ordaindu behar. Beraz, 6.000 sarrera gertatu dira. 600 Realak hartu ditu eta beste asko Athleticen hartuko dituzten konpromezuei aurre egiteko. Sampdoriaren aurka 5.000 sarrera jarri baziren, biharko derbirako askoz gutxiago jarriko dira. Goizeko 10:00etan zabalduko dira lehiatila, eta 17:00etan arratsaldean.

Guerrero 115.000 dei Interneten

Julen Guerrerok irailaren 19an Interneten zabaldu zuen orriak sekulako arrakasta izan du. Izan ere, Portugaletako orriak 115.000 dei jaso ditu zabaldu zenetik, 9.590 egunero. Espainiatik eta Hego Euskal Herrietik jaso ditu dei gehien, 68.293 hain zuzen. Azpimarratzekoa da 9.000 dei jaso dituela Estatu Batuetatik, 630 Suediatik, 582 Erresuma Batutik eta 280 Japoniatik. Milaka izan dira Guerreroren argazkia lortu nahi izan dutenak.

Reala jaurtiketak entrenatu eta entrenatu ari da

Bernd Krauss Realeko entrenatzailea erremateari garrantzia ematen ari zaio azkeneko egunetan, jokalariek jaurtiketak entrenatu eta entrenatu ari direlako: baloia kontrolatu eta gero, bota eginda, geldirik... Realak bi partidu jokatu ditu kanpoan eta oraindik ez du golik sartu. Anoeta estadioan lau egin ditu, eta laurak ere buruz. Iaz, berriz, San Mamesen hiru sartu zituen.

Anoetan goizez eta arratsaldean sarrerak salgai

Atzo arratsaldean jarri zituen Realak derbirako sarrerak salgai. Guztira, 270 (beste 330 Realeko kideen artean eta peñen artean banatu ditu). Erosleak sarreraz jabetzeko derrigorrean Realeko bazkidea izan behar du. Takilak gaur goizean 11:00etatik 13:00etara egongo dira irekita Anoeta estadioan, eta arratsaldean 17:00etatik 19:30etara. 224 sarrera 4.000 pezetakoak dira eta 46 5.500ekoak.

Anderlecht, Auxerre, Aston Villa edo Aarhusen kontra jokatu du Athleticen hurrena European

Gaur eguerdian egingo da UEFA txapelketako bigarren kanporaketako zozketa Geneva hirian

R. Basaldua / Bilbo

MULTZO gogorra egokitu zaio Athletici UEFA txapelketako bigarren kanporaketako zozketan. UEFAko arduradunek atzo erabaki zuten, Frantziako Auxerre, Belgikako Anderlecht, Ingalaterrako Aston Villa eta Danimarkako Aarhus dira zerrendaburuak Athleticen multzoan. Alemaniako Schalke 04, Greziako OFI Creta eta Holanda-

ko Twentek osatzen dute C Multzo hau. Lau zerrendaburuetako baten aurka jokatu du Athleticen. Esan beharrik ez dago talde gogorak dituela Athleticen multzoan. Zozketa gaur goizeko 12:00etan egingo da Genevan.

Auxerre taldeak Coruña Deportivo kanporatu zuen lehen kanporaketan. Frantziarrak 1-2 nagusitu ziren Riazorren eta itzuli partiduan hutsean berdindu zuten. Anderlecht-i dagokionez,

4-3 galdutako joanean Salzburgekin eta 4-2 nagusitu zen itzuli partiduan.

Aston Villak Bodeleko Girondins izan zuen aurkari lehen kanporaketan. Frantziar joanean hutsean berdindu ondoren, ingelesek itzulikoan 1-0 irabazita eskuratu zuten hurrengo kanporaketarako txartela. Aarhusek ezustekoa eman zuen, Nantes faboritua kanporatu zuen eta. Bi taldeek bina berdindu zuten joa-

neko partiduan eta danimarkarrak 0-1 nagusitu ziren Nantesen. Joaneke partidua urriaren 21ean jokatuko dira eta itzulikoak azaroaren 4an.

Jose Mari Arrate Athleticen presidentea lasai dago zozketaren atarian: «Inork ez dit beldurrik ematen, baina Aston Villa da gutxien gustatzen zaidana. Berriro ere garrantzitsua izango da bigarren partiduak San Mamesen jokatzeko». X